



European School LTD
შპს ევროპული სკოლა

მოსწავლეთა პარლამენტის დებულება



გადახედვის სიხშირე: ყოველწლიური
წესდება დაწერილია: სკოლის თანამშრომელთა გუნდის მიერ
წესდება დაწერილია: სექტემბერი, 2010
ბოლო გადახედვის თარიღი: აპრილი, 2021

ს. ჯიშაძე

სოფიო ბაზაძე
დირექტორი



2, I. Skhirtladze st.
0177 Tbilisi, Georgia
Tel: (032) 239 59 64
info@europeanschool.ge
www.europeanschool.ge

1. ზოგადი დებულებები

1. მოსწავლეთა პარტლამენტი არის სკოლის მოსწავლეთა უმაღლესი წარმომადგენლობითი ორგანო. იგი იქმნება „ზოგადი განათლების შესახებ“ საქართველოს კანონისა და წინამდებარე დებულების შესაბამისად.
2. მოსწავლეთა პარლამენტი წარმოადგენს დამოუკიდებელ მართვის სისტემას, თვითმმართველობით შიდასასკოლო არაპოლიტიკურ ორგანიზაციას.
3. წინამდებარე დებულებით გათვალისწინებული მიზნებისა და ამოცანების შესრულების მიზნით, მოსწავლეთა პარლამენტმა აქტიურად უნდა ითანამშრომლოს სკოლის ადმინისტრაციასა და პედაგოგიურ კოლექტივთან.

2. მიზნები და ამოცანები

ევროპული სკოლის მოსწავლეთა პარლამენტის მიზანია:

1. დარწმუნდეს, რომ სკოლაში მოსწავლეები თავს ბედნიერად გრძნობენ;
2. დარწმუნდეს, რომ ყველა მოსწავლეს აქვს საშუალება, გამოთქვას თავისი აზრი და შენიშვნა;
3. წახალისოს მოსწავლეები სკოლის ცხოვრების იმ სფეროების მოსაძიებლად, რომლებიც საჭიროებს გაუმჯობესებას და იმავდროულად წარმოადგინონ გაუმჯობესების გზები;
4. საფუძველი ჩაუყაროს პოზიტიურ ურთიერთობებს როგორც სკოლის შიგნით, ასევე მის ფარგლებს გარეთ.

3. მოსწავლეთა პარლამენტის სტრუქტურა, მისი შექმნის წესი, უფლებაუნარიანობა, იმპიჩმენტი

1. მოსწავლეთა პარლამენტის სტრუქტურული ერთეულებია: პარლამენტის წევრი, პარლამენტის თავმჯდომარე, მოსწავლეთა კომიტეტი, საპარლამენტო კომისიები.
2. თითოეული სტრუქტურული ერთეულის საქმიანობის ძირითად წესებს განსაზღვრავს წინამდებარე დებულება.
3. პარლამენტის წევრი:

- 1.1. პარლამენტის წევრად შეიძლება არჩეული იქნეს სკოლის IX-XII კლასების მოსწავლე, რომელსაც ახასიათებს ლიდერის თვისებები, დადებითად ხასიათდება სკოლის ადმინისტრაციის მიერ, მისი აქტივობა და საქციელი სამაგალითოა, ჯეროვნად ასრულებს სკოლის შინაგანაწესს და სხვებსაც უბიძგებს აღნიშნულისაკენ;
- 1.2. პარლამენტის წევრის კანდიდატურის წამოყენების უფლება აქვს თავად პარლამენტის წევრობის კანდიდატს ერთპიროვნულად;
- 1.3. პარლამენტის წევრობის კანდიდატურის წამოყენება უნდა მოხდეს მოსწავლეთა პარლამენტის არჩევნების გამოცხადების დღიდან 15 დღის განმავლობაში.
- 1.4. პარლამენტის წევრის არჩევა ხდება კანდიდატის შესაბამისი კლასის მიხედვით, ფარული კენჭისყრით.
- 1.5. ერთი და იგივე კლასში რამდენიმე პარლამენტის წევრობის კანდიდატის არსებობის შემთხვევაში არჩევნებში გამარჯვებულად ჩაითვლება ის ორი კანდიდატი, რომელიც დააგროვებს შესაბამის კლასში ყველაზე მეტ ხმას.
- 1.6. იმ შემთხვევაში, თუ ერთი და იგივე კლასში რამდენიმე კანდიდატი დააგროვებს ერთი და იგივე ხმების რაოდენობას, სკოლის ადმინისტრაციის გადაწყვეტილებით გაიმართება არჩევნების მეორე ტური ან პარლამენტის წევრობის რამდენიმე კანდიდატი ჩაითვლება გამარჯვებულად.
- 1.7. პარლამენტის წევრთა უფლებამოსილების ვადა განისაზღვრება ერთი წლით. პარლამენტის წევრს უფლება აქვს რამდენჯერმე იყაროს კენჭი პარლამენტის წევრის არჩევნებში.
2. **პარლამენტის თავმჯდომარე:**
 - 2.1. მოსწავლეთა პარლამენტს ხელმძღვანელობს პარლამენტის თავმჯდომარე.
 - 2.2. მოსწავლეთა პარლამენტის თავმჯდომარე აირჩევა მოსწავლეთა პარლამენტის შემადგენლობიდან სკოლის VI-XII კლასების მოსწავლეთა მიერ, ფარული კენჭისყრით.
 - 2.3. რამდენიმე პარლამენტის თავმჯდომარის კანდიდატურის არსებობის შემთხვევაში არჩევნებში გამარჯვებულად ჩაითვლება ის კანდიდატი, რომელიც დააგროვებს შესაბამისი არჩევნებში მონაწილე მოსწავლეთა ხმების უბრალო უმრავლესობას.
 - 2.4. პარლამენტის თავმჯდომარის არჩევნები უნდა ჩატარდეს წელიწადში ერთხელ, ახალი მოწვევის პარლამენტის არჩევიდან არა უგვიანეს 4 კვირის განმავლობაში.

- 2.5. ახალი პარლამენტის თავმჯდომარის არჩევამდე პარლამენტის თავმჯდომარის მოვალეობას ასრულებს წინა მოწვევის პარლამენტის თავმჯდომარე.
- 2.6. მოსწავლეთა პარლამენტის თავმჯდომარის კანდიდატურა შეიძლება წამოაყენოს თავად პარლამენტის თავმჯდომარეობის კანდიდატმა ერთპიროვნულად.
- 2.7. პარლამენტის თავმჯდომარეობის კანდიდატს, თავისი სურვილისამებრ, ადმინისტრაციის მიერ შეიძლება დაენიშნოს ნდობით აღჭურვილი პირი.
- 2.8. პარლამენტის თავმჯდომარეობის ყველა კანდიდატს აქვს თანაბარი უფლება წინასაარჩევნო კამპანიისათვის აქტიურად გამოიყენონ სკოლის ტელევიზია და სკოლაში არსებული სხვა საინფორმაციო საშუალებები.

3. მოსწავლეთა კომიტეტი:

- 3.1. მოსწავლეთა კომიტეტი წარმოადგენს პარლამენტის ქვედა პალატას.
- 3.2. მოსწავლეთა კომიტეტი აირჩევა VI-VIII კლასების მოსწავლეთა მიერ ცალკეული კლასის მიხედვით, ფარული კენჭისყრით, თითო კლასიდან ორი მოსწავლის წარმომადგენლობით.

4. კომისიები

- 4.1. სკოლაში ფუნქციონირებს შემდეგი კომისიები: ხელმძღვანელი კომისია, საზოგადოებასთან ურთიერთობებისა და კომუნიკაციის კომისია, საზოგადოების სამსახურისკომისია, ღონისძიებების კომისია, სპორტის კომისია.
- 4.2. კომისიების ფუნქციებია:
 - 4.2.1. ხელმძღვანელი კომისია ახდენს პარლამენტის გეგმის შემუშავებას, კომიტეტის წევრების მენტორობას, მოსწავლეთა პრობლემების განხილვას და აძლევს საშუალებას ყველა მოსწავლეს, გამოთქვას თავისი აზრი და შენიშვნა.
 - 4.2.2. საზოგადოებასთან ურთიერთობებისა და კომუნიკაციის კომისიის მოვალეობაა სკოლის ვებგვერდზე მოსწავლეთა პარლამენტის ველის განახლება, სკოლის გაზეთში სიახლეების გამოქვეყნება, სკოლის ტელევიზიასთან თანამშრომლობა.
 - 4.2.3. საზოგადოების სამსახურის კომისია ახორციელებს მოხალისეობრივ აქტივობებს სკოლის შიდა საზოგადოებისა თუ ფართო საზოგადოების დასახმარებლად, საქველმოქმედო პროექტებისთვის საჭირო ფინანსური სახსრების მოსაძიებლად და მოსწავლეთა აკადემიური მოსწრების ასამაღლებლად.
 - 4.2.4. ღონისძიებების კომისიის მოვალეობაა ღონისძიებების დაგეგმვა და

ორგანიზება დამოუკიდებლად, დეკორაციების შექმნა, სასცენო წარმოდგენების გამართვა, სკოლის ადმინისტრაციასთან თანამშრომლობა ღონისძიებების ორგანიზებასთან დაკავშირებით.

4.2.5. სპორტის კომისია ახორციელებს სპორტული შეჯიბრებების ორგანიზებას, სკოლის სპორტული გუნდის მართვას (ფეხბურთი, კალათბურთი), ახდენს სკოლაში სპორტის წახალისებას.

4.3. პარლამენტი თავისი შემადგენლობიდან ირჩევს მდივანს, რომელიც ვალდებულია გააფორმოს სხდომის ოქმები და აწარმოოს პარლამენტის წევრთა აღრიცხვიანობა.

4.4. პარლამენტის მდივნის არჩევა ხდება პარლამენტის სხდომაზე დამსწრე პარლამენტის წევრთა ხმათა უმრავლესობით.

4.5. პარლამენტის სხდომა ტარდება თვეში ერთხელ. გადაუდებელი აუცილებლობის შემთხვევაში, შეიძლება მოწვეული იქნეს რიგგარეშე სხდომაც.

4.6. პარლამენტი იღებს შემდეგ გადაწყვეტილებებს:

4.6.1. პარლამენტი ამტკიცებს სამუშაო პროგრამას;

4.6.2. იღებს გადაწყვეტილებებს;

4.6.3. განსაზღვრავს პარლამენტის კომისიების რაოდენობასა და რიცხოვრივ შემადგენლობას;

4.6.4. პარლამენტისა და პედაგოგების ურთიერთთანამშრომლობის გაზრდის მიზნით, მოსწავლეთა პარლამენტს კონსულტაციას უწევს სკოლის ერთი პედაგოგი - მოსწავლეთა პარლამენტის კოორდინატორი;

4.6.5. სემესტრში 1-2-ჯერ ისმენს კომისიების თავმჯდომარეების ანგარიშს გაწეული სამუშაოს შესახებ;

4.6.6. პარლამენტს უფლება აქვს გააუქმოს კომისია ან შეცვალოს კომისიის თავმჯდომარე;

4.7. მოსწავლეთა პარლამენტი უფლებამოსილია მიიღოს გადაწყვეტილება, თუ წინადადებას მხარს უჭერს პარლამენტის წევრთა არანაკლებ 2/3.

4.8. პარლამენტის თავმჯდომარე, პარლამენტის წევრი, მოსწავლეთა კომიტეტის წევრი, პარლამენტის კომისიის წევრი, რომელიც დაარღვევს სკოლის შიდა რეგულაციებს ან არასაპატიო მიზეზით არ დაესწრება 4 (ოთხი) ან მეტ სხდომას გაწვეულ იქნება სკოლის თვითმმართველობის ორგანოდან.

5. საარჩევნო კამპანიის წარმოების წესი

5.1. საარჩევნო პროცესში ყველა კანდიდატი სარგებლოს თანასწორი უფლებებით და აკისრიათ თანაბარი ვალდებულებები.

- 5.2. წინასაარჩევნო კამპანიის პერიოდში ნებისმიერ კანდიდატს უფლება აქვს დაამზადოს წინასაარჩევნო განცხადებები, წარწერები, ფურცლები, ფოტომასალები და სხვა. არ დაიშვება მათი გავრცელებისათვის ხელის შეშლა ან რაიმე სხვა ფორმით აკრძალვა.
- 5.3. წინასაარჩევნო კამპანიის პერიოდში ნებისმიერ კანდიდატს უფლება აქვს გამოვიდეს თავისი სამომავლო სამოქმედო პროგრამით და უზრუნველყოს აღნიშნულის სკოლის საზოგადოების წევრებისათვის გაცნობა.
- 5.4. წინასაარჩევნო კამპანიის პერიოდში აკრძალულია რაიმე სახით ან/და ფორმით ამომრჩეველი მოსწავლეებისათვის საჩუქრების ან/და სხვა მატერიალური ფასეულობების გადაცემა. აღნიშნულ პროცესში გამოყენებული მასალები ან/და განხორციელებული ღონისძიებები არ უნდა სცდებოდეს გონივრულ ჩარჩოებს და შესაბამისობაში უნდა იყოს მოსწავლეთა პარლამენტის არსებობისა და ფუნქციონირების მიზნებთან.